

Le sexe perdu dans l'eau

Abaalú naáru na idɛelú bɔɔjɔɔ ná. A alú waagurú idɛe kɪyaku, na abaalú ikurú ifu yi, a alú weedɛe kɪyaku, na abaalú ikurú ifu yi. Wónvúu idɛelú bilé, wíre nedɛre alú weedɛɛ kɪyaku né, abaalú woovu yi háli kɪyaku-daá. Sáátɪ wenkí alú wɔɔgɔgbɔɔ níbááwu wéngɛgbém né, abaalú kovóo yi, igovóo yi. Bɔɔgónɪ batála buwá kúbbɔnga bánɔyáa ke sɪsɪ : karaá né, béndesí buwá kɛm naaní batála baɔaána, ngú lím waabá ge budɔɔ buwá kɛm kadaá. Alú waadɔ lím sɪ utésɪ né, lím waagba háli iwulíya-dɛ. Nna ge weegéézɪ ɪdɪ ikóo sɪsɪ : ówu, ɔájaa, mógúdowu waalú kɪsála lím-daá! Nge ɪwaalú sɪsɪ : Wenbá ge sɪ mana belée ma basíná ma magálízɪ kɪ ɔɔ. Nge sɪsɪ : tɔɔ, aayí, mánnáa ɪráa, nge boobó bomúu serínɪ. Nge abaalú weevéeri serínɪ sɪsɪ : bilé ge umú idɛelú-dée kudówu waazála lím-daá, bilé né, básíná bɛm bacáa kɪ. Nna ge abaalú na serínɪ baazúv lím-daá takí bánjáádɪ kudówu. Bɔwe babamáa takí bánjáádɪ né, nge serínɪ waadulú tɪnɔɔzɪ-daá tɪnbɔɔzɪ ɔamá sɪsɪ :

Ŋmɛɛwú, ɔánnáa ge ɔózúmáa

Ŋmɛɛwú, ɔánnáa ge ɔózúmáa

Ŋmɛɛwú, ɔánnáa ge ɔózúmáa

Ŋmɛɛwú, ɔánnáa ge ɔózúmáa

Nge tilé tudákɪ háli tɪwɪ, tudana nabúrv. Bináábílé háli na sinje a ɔáánú bíngóó búúzi-daá sɪsɪ : Ŋmɛɛwú, ɔánnáa ge ɔózúmáa, Ŋmɛɛwú, ɔánnáa ge ɔózúmáa, serínɪ tilé tɪdɛezɪ we ná tɪnjáádɪ abaalú ɪlé idɛelú-dée kudówu bilé.

